



国家出版基金项目
NATIONAL PUBLICATION FOUNDATION

民國史料叢刊

續編
0932

孫燕京 張研 主編

史地·地理

滿洲地誌
西京

大象出版社

民國史料叢刊

續編
0932

孫燕京 張研 主編
史地·地理

滿洲地誌
西京



大象出版社

商務印書館印行

滿洲地誌

滿洲地誌

位置 分界廣表

滿洲爲中國版圖之最東部。其地成不規之三角形。北緯自三十八度四十分之金州半島旅順岬起。至五十三度三十分之黑龍江右岸止。東經自百十七度五十分之呼倫池西北起。至百三十五度二十分之黑龍江與烏蘇里江之會合處止。

其分界西接於內外蒙古。東以烏蘇里江及松阿察河興凱湖。界於俄領之沿海州。南以圖們鴨綠二江。界於朝鮮。北以黑龍江。界於俄領之西墨爾州。西北以額爾古納河。界於俄領之後貝加爾州。西南以黃海及渤海濱長城。接於中國本部。其面積凡六萬三千六百六十二方里。方里係日本里今因施政便利起見。以邊牆外蒙古之地合於滿洲疆內。其他如黃海之北部及遼東灣之諸島。皆屬滿洲。

山脈

滿洲全地之山脈。皆起自興安嶺及長白山二大幹。其在黑龍江省內。由西北互於東南者。爲興安嶺山脈。在吉林盛京兩省內。由東北充於西南者。爲長白山山脈。又盛京省之西南部山脈。自陰山山脈之東端分支者。謂之松嶺山脈。

興安嶺山脈。爲亞細亞東部之一最大山脈。俄人稱之曰牙布勒諾威。或名斯丹諾威。即中國人所稱之外興安嶺是也。此山脈從北緯四十五度。跨於六十七度之間。東經百零八度。跨於百七十六度之間。蔓延於蒙古及滿洲俄領之後貝加爾亞黑爾爾亞古德沿海各州。長凡八百里。八百里係日本里日本每一里約合中國六里餘後倣此爲注入北冰洋諸河。及屬東太平洋河流之分水界。其方向從東北而西南。西起俄領後貝加爾州。接外蒙古界貝加爾湖及勒那河與黑龍江水域之分界。東北綿亙達於白令海峽。其間支脈繁多。以分諸河水域。其平均之高度。約二千尺至三千尺而達於雪綫。雖然。其中部及東部。則傾斜急峻。乏交通之道路。其谷地且有千古未消之冰田。故凡人跡所往來者。不過在連亙滿洲之支脈。如興安嶺伊勒呼里山與小興安嶺等三處耳。中國人謂之內興安嶺在中國本部直隸省之北。接於陰山山脈。從海喇喀山起。東北走遼河之水源。充內蒙古之地。至洶爾河之水源。爲索岳爾濟山。山西部直與沙漠相對。由此入黑龍江之界。分綽爾河與喀爾喀河之水源。成穆克圖爾山。接於雅克嶺。自雅克嶺以北。中國人則總名曰內興安嶺。其山勢爲弓形。嫩江水源。圍繞其間。遂分東興安嶺西興安嶺之稱。

興安嶺在黑龍江之西部。磅礴於嫩江與額爾古納河之間。其北端由伊古克達之地。與

伊勒呼里山相連。

伊勒呼里山。東北發一支脈。達於黑龍江右岸。其本脈西北踰黑龍江。入俄領之達瑚爾山脈。其西南接續於什喀喀河。黑龍江上流與額爾古納河之間。蜿蜒於後貝加爾州。近外蒙古之境界。有阿土綽倫山。敖嫩河。什喀喀河上流之上流。有綽功土山。此山爲興安嶺山脈中之最高峯。俄人以達瑚爾山脈。爲牙布勒諾威山脈之南支。

東興安嶺。在黑龍江省之東。由北亙於東南。充愛琿墨爾根齊齊哈爾等地。較西興安嶺高峻。山嶺較少。且由愛琿通墨爾根道路。頗有高低。其峯頂大抵相類。而河流之澎湃奔馳。亦與東興安嶺南端無異。有著名之噴火山。名曰烏雲和爾冬吉。自此而東。爲小興安嶺。

小興安嶺。由東北而西南。踰黑龍江。至卓倫奇河之上流。接道斯哈達。山脈之長。凡百四十里有奇。其均平之高度。二千尺至三千尺。伯仲於興安嶺。卽最高峯。亦無過五千尺者。黑龍江流。爲山脈橫斷處。凡四十七八里。其間河身成狹隘之峽谷。江水流過。殊爲激迅。長白山。磅礴於滿洲南部之地。爲最大山脈。其高峯有一萬尺至一萬一千尺者。四時載雪。險峻之處甚多。從此山脈歧出。成吉林盛京二省形勢。分而爲四。卽小白山完達山長

白山千山也。

由長白山東北。蟠結爲平頂山。稍向西北。有獮牙蠻哈達。爲小白山山脈。其東北大嶺。爲完達山山脈。小白山者。挺秀於瑚爾哈河於松花江之間。其本脈及支脈。布於吉林三姓甯古塔間。復散漫於西北諸地。幾與平原無異。富於森林。爲滿人移住最宜之地。

完達山山脈。走瑚爾哈河與興凱湖之間。從黑龍江與烏蘇里江會合處。踰黑龍江爲完達山。此山脈之北端。越黑龍江處。便有槲樹之森林覆之。其東部向烏蘇里江諸地。便於殖民者甚多。然至今尙荒漠無人也。

長白山。秀拔於滿洲之南部。南爲朝鮮界。松花鴨綠圖們三江。皆發源於此。西爲黑林嶺。吉林哈達諸嶺。從吉林哈達分二支。一名吉林連山。自奉天府北。綿延於吉林之南。其有從東北而西南踰松花江。接小白山者。爲長白山連屬小白山之本脈。其一由西南入於盛京界者。爲千山山脈。

千山山脈。聳立於遼陽州南。支阜分岡。布於海城蓋平復州等地。成爲金州半島。又踰渤海。成登州半島。其盛京省之西半。卽遼河東地所連山嶺。由直隸北之內蒙古。奔於東南。爲陰山山脈之一支。名曰松嶺山脈。其高峯有達四千尺者。

滿洲北部。即黑龍江省各地。此間山脈。中國人統謂之爲內興安嶺。今據俄國地理學家所稱述。分興安嶺伊勒呼里山小興安嶺三部。亦有謂伊勒呼里當合於興安嶺者。至歐洲人所稱之興安嶺。則併本脈及支脈名之。其名悉從中國之舊。中國人則僅指大興安嶺山脈一部而言耳。雖然。其內自有區別。按大清會典。原分二部。在興安嶺墨爾根愛琿呼倫貝爾等城所屬一帶之山脈。雖總稱之爲內興安嶺。然因嫩江水域。左右分流。亦別之曰東興安嶺西興安嶺。其由蒙古之東北。互於黑龍江水域之北部。則名之曰外興安嶺云。

小興安嶺之名稱。未見於中國地誌。不過爲興安嶺之一支。殆由俄人附會其名耳。惟中國地誌中。曾記道斯哈達山脈。謂在黑龍江城北數十里。爲一大山嶺。俄人則稱卓倫奇嶺山脈。以其起於卓倫奇河之源上也。

興安嶺山脈。於內蒙古克西克騰部之西。多倫諾爾之東北。接續陰山山脈。由海喇喀山起。東北走遼河之水源。至阿巴哈納爾部之東南。有默爾哲嶺及阿爾噶靈圖山。又西北爲喀拉坎山。喀拉坎山之東。與阿魯科爾沁部連界。西則互於浩齊特部界。又北乃蘇克蘇爾山也。其東接於札魯特部界。西連於烏珠穆沁部。此山脈之西部。直傾斜於沙漠。向

西有河水注流。潞爲數小湖。或湮沒於沙地。其從蘇克蘇爾山互東南之支脈。在太布蘇圖湖與察罕湖之間。爲音爾巴爾山特里野山等。從山脈次第低平。達於斜爾沁部之平原。

由蘇克蘇爾山稍東。爲烏哈納嶺。北走洶爾河之水源。至呼倫貝爾城之南。爲索岳爾濟山。其間山嶺。爲最高峻。西接外蒙古車臣汗部界。南由烏珠穆沁部界。交科爾沁部界。清國純皇帝曾登興安嶺曰。杭愛阿爾泰舒右臂。索岳爾濟憑左肩。亦言其高峻也。由索岳爾濟山東。蜿蜒於烏龍楚爾河。與桂勒爾河之間。爲胡蘇台山。必耶烏山。察巴齊拉庫哈達等諸山。又由索岳爾濟山東北。爲厄伯爾阿魯塔爾穆克圖爾等諸山。爲喀爾喀河與綽爾河之分水嶺。接於雅克嶺。其穆克圖爾山。由西走喀爾喀河與海拉爾河之間。達於呼倫貝爾城之南。

據水道提綱所記載。哈達漢河之南。爲多羅烏哈達。西爲賽漢嶺。其西北數十里爲雅克山。皆極廣大。又曰綽爾河至阿爾他拉奇嶺之東麓。折而東南。隨雅克嶺之南方支阜。逶迤南流。其北岸直於雅克山南岸。達乞兔山。皆連峯相延。綽爾河出此兩山之間。流於平地。由此考之。諸敏雅爾綽爾等各河之分爲水界者。皆從雅克嶺分派於東南支山也。

由雅克山北。總稱爲興安嶺。其山勢由北向於東南爲弓形。嫩江水域。四面圍繞。西則額爾古納河諸支流。與嫩江右岸諸支流。皆發源於此。北充於瑚瑪爾河之右岸。東於黑龍江與嫩江之左岸。爲諸支流之分水界。組織黑龍江省之全地也。

據俄國地理學者所述。興安嶺袤長百六十里有奇。橫凡九十里至百里。富於森林。山嶺甚爲高峻。其高峯凡五千尺至六千尺。其東西皆傾斜急峻。隨處有斷崖絕壁。否則峯頂尖銳秀拔。一望平原之地甚稀。其形恰如海波奔馳。鮮交通往來之路。現時通道僅有三。第一由甘河通於瑚瑪爾河之路。此路爲居住於額爾古納河畔之哈薩克人及通古斯人等所熟知。第二由海拉爾河通於諾敏河之路。此路可行輕車。第三由海拉爾河之一支流通於雅爾河之路。當此路綫。由齊齊哈爾城至呼倫貝爾城設有驛站云。

於此山脈之北半。記列有名之山峯。屬於西興安嶺諾敏河之水源。有勒忒庫勒山。由東南諾敏河與雅爾河之間。有額赫魯爾山。又呼裕爾河與都布庫爾河之間。有查克達里山。屬於東興安嶺哈羅爾河與中科河之間。有烏雲厄哈達山。達巴庫地方之北。有莽買哈達山。墨爾根城之東北。有古甯阿山汪安山等。

伊勒呼遠山脈。爲西興安嶺之西北部。起於伊古克達之地。北走瑚瑪爾河與額爾古納

河之水源。達於什勒喀河與額爾古納河之會合處。其支脈走額穆爾河旁烏河等之間。充黑龍江之右岸。此山脈若興安嶺。有高峻之山嶺。森林鬱茂。野獸繁殖。爲達瑚爾人及鄂魯春人之獵場。并有一路可通愛琿城。蓋此山脈探討者不少。其形勢尙未報告於世上耳。且中國地誌附各山嶺之名稱者。惟以伊勒呼里爲總稱云。

伊勒呼里山脈之北端。由西踰額爾古納河。入於俄嶺。俄人稱爲達瑚爾山脈。考此名稱之所由起。因額爾古納河及什勒喀河之地。在黑龍江及嫩江上流之水域。概爲達瑚爾人所棲息。故有此名。俄人嘗指黑龍江省爲達瑚爾亞。意亦如是。俄人以達瑚爾山脈爲牙布勒諾威山脈之南支。此山脈蜿蜒於後貝加爾州尼布楚地方。其方向由西南而東北。分爲二派。一布於額爾古納河與什勒喀河合流之處。由西南嚙齊墨爾河與什勒喀河爲分水界。一在嚙齊墨爾河與額爾古納河之西南。走克魯倫河及敖嫩河之上流。爲阿土綽倫山。秀拔於外蒙古與俄嶺之境界。踰敖嫩河之上流。爲綽功土山。入外蒙古界。接於肯特山。其綽功土山有八千二百五十九尺。占興安嶺山脈中第一之高度。

小興安嶺之名。爲俄人所附會。中國舊稱曰東興安嶺。此山脈自北緯四十八度至五十四度。其長凡百六十八里有奇。其方向由東北而西南。高度平均凡二千尺至三千尺。峯

之高者。由四千尺至五千尺。以達於雪綫。山嶺在俄嶺之亞墨爾州。踰黑龍江。從黑龍江左岸卓倫奇河與庫魯河及阿穆功河之上流。綿亙至滿洲界內。其於俄領部分。雖草木暢茂。而峯巒突兀。橫斷黑龍江。凡三十四五里。烏伊河卽於此部內會合。其山脈傾斜。左岸急峻。右岸緩漫。河海壓迫。成爲極狹隘之谿谷。

滿洲界內之小興安嶺。二脈駢行。尙從東南而西北。南由松花江之左岸。北至黑龍江之右岸。西達嫩江之左岸。黑龍江省之東南部。卽愛琿黑爾根各城之交錯地也。其廣二十五里至四十里之間。富於森林茂草。樹少細葉而多闊葉類。其屬此山脈之大山嶺。則爲黑龍江與吞河間之佛思亭山及喀木尼山。從吞河之源而西。爲呼蘭河水源。稱吞爾窩集。樹林森鬱。水量最富。且黑龍江右岸之支流。爲遜河科爾芬河烏伊等河之分水界。又伊椿河之南。有察哈爾庫山山脈。西端接於嫩江。有烏雲和爾冬吉山。山之北。爲遜河南源。與占河嫩江之左支流。卽納默爾河和羅河等發源處也。成爲庫穆爾窩集。接於西興安嶺。

烏雲和爾冬吉山。乃著名之噴火山也。其地常納納穆爾河畔。去墨爾根城東南凡六里。地勢彷彿意大利國那不爾之富列苦里原野。當康熙六十年夏。忽噴火焰。日夜鳴動。其

轟聲達於七里至十里。噴出之石片硫磺。近傍積成一山。噴火之初。周圍凡四五里間。火氣蒸熱異常。從他山之巔眺之。其景況了然皆明。約經一年。其噴出之勢。漸次消滅。自後不聞復噴矣。

據俄人威尼古氏之所考察。凡噴火山。多在於一般大湖沼及近海岸地。其地東距日本海凡二百五十里。北距貝加爾湖凡三百里。忽爾噴火。可謂怪矣。然聞之土人。於此噴火地方。凡四五里。周圍有湖水云。乃現時嫩江水域之東部。合數小湖之散流者。蓋昔時包括嫩江水域。足證其地爲大湖沼云。

組織吉林省之全地山脈者。皆係長白山之分支也。據俄人威尼古氏之說曰。松花鴨綠圖們三江之源。實近長白山至高之峯頂。但現時報告。則三江水源。在特別高峻尖峯。其峯頂爲平坦高原。中央有湖水。今以吾人所探討長白山之數高峯。其果達於雪綫否耶。甚難明證。又據英國學士維廉孫所記。長白山之高峯。爲一萬尺至一萬二千尺。四時載雪。又大清一統志。於康熙十七年及二十三年。曾遣大臣。登長白山。視其形勢。其山巔爲圓形。積雪皚然。及涉其上五峯。環峙如城。南一峯稍下如門。其中有潭。周圍凡一里。山之四周。百泉奔注。卽三大江之所發源也。

就中國地圖考之。長白之所以稱。爲在山嶺中最高也。發三江之源。畫朝鮮國之界。在朝鮮爲白頭山。又曰白山。中國古名太白山。亦名白山。遼志及金史。始稱長白山。因其四時載雪。故以長白稱之。長白山之高度。達於雪綫與否。尙難確定。然於興安嶺高峯之中。當無不及雪綫之理。且此山脈。以數百年之森林覆之。山脈北端。由吉林通於甯古塔。道路綿亙。及於滿洲南部。實爲最大山彙。磅礴吉林盛京兩省之地。而爲其地之首幹。

長白山盤結於吉林省之南部。滿洲語謂歌爾敏商堅阿鄰。

一作果勒
敏珊廷勒

云。東北分爲數幹。

走圖們江源於松花江北源之間。爲黑山嶺。南入朝鮮國界。爲甌山。西經鴨綠江與松花江南源之間。接於費德里山。其西乃長白山之西脈。費德里山。亦爲高大山彙。其周圍凡六十里。而於南北發出二支。其北佛思亨山。走圖們江與松花江之間。其南帽兒山。界鴨綠江與佟佳江之水域。而達於兩江合流之處。帽兒山頗有樹林。連至直隸地方之木材。多取於此。費德里山。西北爲佟佳江之發源。伊爾哈雅範山及黑林嶺。繞圖們江之水源。與吉林哈達。西南達於歌爾敏朱墩嶺。哈達。滿洲語謂山也。

大清一統志云。長白山之南支。蜿蜒磅礴。分爲兩幹。其西南界於鴨綠江。西界於佟佳江。兩江會於山之盡處。由西亙北。凡數十里。以其爲衆水所分之地。舊志總稱爲分水嶺。西

至興京。茂樹深林。蔽天翳日。土人呼爲納綠窩集。由此西入。爲啟雲山。北有一阜。袤十里餘。爲歌爾敏朱墩嶺。復西入英額嶺邊門。爲天柱。隆業二山。因其地勢迴旋盤曲。故有是名。其山嶺不一。要皆此山支裔也。

按俄人所製地圖。由奉天府北。東北達於吉林城近傍。稱爲吉林山脈。或謂吉林連山。其於長白山西脈中。以吉林哈達起。其指名吉林山脈者。蓋取東北及西南之方向也。分界於遼河及松花江之水域。由吉林哈達而東。爲土門河與哈達河及渾河之分水嶺。而歌爾敏朱墩嶺哈達山等諸山。皆盤結於興京東北。其北爲朱家莽喀嶺薩哈亮山等。由胖色城之北。達於圍場之地。自此東北。所尤母阿鄰山庫勒嶺馬煙嶺等。爲土門河之左支流。與赫爾蘇河伊通河等之分水界。由吉林城南。踰松花江。接於小白山山脈之庫達山。由哈達山而西。分成二脈。一走赫爾蘇河與哈達河之間。一蟠於哈達河與渾河之間。充開原鐵嶺奉天各府縣之地。而達於遼河左岸。

俄人論此山脈。謂吉林連山。與長白山駢行。占吉林城之近傍。於松花江爲一橫絕山脈。其至松花江與瑚爾哈河之間。改稱小白山。又由吉林蜿蜒於奉天之間。其山脈果屬小白山西南分出與否。未能確定。然就松花江之河式視之。於吉林城之上流及下流地方。

因兩岸山嘴迫來。河流忽而狹隘。至松花江左岸之山脈則不甚高。故奉天通吉林之道。皆在此山脈中間。且踰北流之數小川云。

據水道提綱云。吉林哈達。在興京之東北。凡二十五里。英額城之東南凡八里。其山高峻綿亘。自長白山西至費德里山。折而西北。爲佟佳江源之山。又西爲黑林嶺。又西爲吉林哈達。其間連峯不斷。又云。土門河之西源古溝河。發源於英額城。東南數里。至歌爾敏朱墩嶺。經胖色城東南。過朱爾莽喀嶺之北麓。薩哈亮山之南麓。又云。自庫勒嶺北。連峯不斷者。爲薩龍嶺。又北爲代什蘭哈達。又北爲商尖哈達。又北始有沙漠。

據以上諸說考察。則吉林連山。自土門河之水源奔於東西。東則連接於小白山脈。自吉林城之南至巴顏俄佛洛邊門。約在北緯四十三度四十四度之間。松花江流過此山脈之谿谷。或將山脈截斷。然見水道提綱所記。馬煙嶺之北。亦有小白山。距吉林城之南凡八里云。其在松花江兩岸而有此名者。則其山脈連接於小白山。亦足爲一證也。

小白山脈。自長白山東北幹之平頂山起。其方向由西北至東南。爲松花江右支流及瑚爾哈河右支流之分界。自平頂山西北。分瑚爾哈河之一源。勒爾成河。及松花江支流瑚爾哈河之水源。爲爾牙蠻哈達。至額多力城之西。爲色齊窩集。推屯河之發源。則在小